

սիրեցեալ հովիւը, հովիւը կունենայ իսկական նշանակութեամբ «իւր» հարազատ հօտը, որի մէջ նա պատահական չինովսիկ չի լինի, այլ կը լինի համայնքի վստահելի ղեկավար։ Այն ժամանակ կը վերջանային կամ, յամենայն դէպս, կը կրճատուէին մինչև minimum հոգևորականների տեղից տեղ փոփոխութիւնները...»

— Ինչ որ այժմ է նախագծուում՝ պրաւասլաւ եկեղեցում, այն, բարեբաղդաբար, շատ վաղուց գոյութիւն ունի հայերիս մէջ։

Օրբոդոֆս եկեղեցին արժասանմանում

Церк. Вѣст.-ում (№ 5) կարդում ենք.

Անգլիական դեսպանի այցելութիւնը Կ. Պօլսոյ յոյն պատրիարքին։

Յունվարի 19-ին Տիեզերական պատրիարք Յովակիմին այցելեց անգլիական դեսպանը և մի ժամից աւելի խօսակցեց Նորին Սրբութեան հետ զանազան խնդիրների առթիւ։ Անգլիական դեսպանը մեծ հետաքրքրութեամբ հարցնում էր պատրիարքին եկեղեցական գործերի մասին և ստանում էր ամենամանրամասն և ստոյգ տեղեկութիւններ։ Աւարտելով խօսակցութիւնը դեսպանը շնորհակալ է եղել պատրիարքից և, ինչան խորին յարգանաց առ Նորին Սրբութեան անձնաւորութիւնը, համբուրել է նրա աջը։ Դեսպանին ընդունեցին և ճանապարհ դրին մեծ պատուով։ Արևելքում հզօր և ազդեցիկ Անգլիայի ներկայացուցչի այցելութիւնը Կ. Պօլսոյ եկեղեցական գործիչների վերայ մեծ ազդեցութիւն գործեց, իսկ յոյն մամուլը այդ բանի մէջ նկատում է լաւ նշան պատրիարքարանի քաղաքականութեան մէջ՝ թիւքիայի քրիստոնեաների համար այժմեան անբարեյաջող ժամանակում, երբ հարկ է պաշտպանել ամենաթանկագին ժառանգութիւնը—ուղղափառ հաւատքը, եկեղեցին և դպրոցը սահմանադրական կառավարութեան ոտնձգութիւնների դէմ։

Յոյն—Բողաքարական հերձուածի առիթով.

Վօլինի արքեպիսկոպոս Անտօնին մի թուղթ էր ուղղել յոյն պատրիարք Յովակիմին, այս թուղթը անցեալ յունվարի 18-ին կարդացուել է յոյն Սրբազան Սինօդում: Թուս արքեպիսկոպոսը իւր թղթում ցանկացել է յոյների և բուլղարների միջև եկեղեցական հաշտութիւն: Սինօդը որոշել է պատասխանել Անտօնի արքեպիսկոպոսին ըստ այսմ: Քրիստոսի մեծ եկեղեցին, յիւրաքանչեւ, ցանկանում է ոչնչացնել բողաքարական հերձուածը, երբ բարեյաջող վայրկեանը կընպաստի այդ գործին, բայց ի հարկէ, առանց սուրբ կանոնները զեղծանելու:

Միսական նոր օրէնք յունական թագաւորութեան մէջ.

Յունվարի սկզբին հրատարակուեց արքայական հրաման յունական պետութեան եկեղեցու մէջ ծխական նոր օրէնք հաստատելով: Համեմատութեամբ հին ծրագրի՝ նոր օրէնքի մէջ արուած են մի քանի էական փոփոխութիւններ, որոնք նախապէս մատնանշուած էին Աթէնքի միտրօպօլիտ Թէօկիտիոսի առաջնորդութեամբ Սրբազան Սինօդում:

Եկեղեցական գանձարանի նախահաշիւը.

Անցեալ դեկտեմբերի 30-ին ներկայացուել է եկեղեցական գործերի նախարարին Յունաստանի եկեղեցական ընդհանուր գանձարանի 1911 թուի նախահաշիւը: Այս նախահաշիւով գանձարանի մօտքը հաշուած է 1,071,000 դրախմ կամ ֆրանկ, իսկ ծախքը 288,030 դրախմ: Ըստ այսմ մնացորդը լինում է 782,970 դրախմ, որ պէտք է ծախսուի Յունաստանի ներքին եկեղեցական վարչութեան կարիքների և ի մասնաւորի, շտապից դուրս և զառամեալ հոգևորականների, նրանց այրիների և որբերի կենսաթոշակների և եկեղեցական դպրոցներ շինելու վերայ և այլն: